



Hejmar (9)

15 - Avdar - 2014

Çandî - Giştî - Serbixwe - Nîvmehane ye

Welat



*Gava ..
ez mirim
gelê zindiya
min nevesêrin
weku hemiya..
gorêt min çekin
bin siha çiya
kêlêt min çekin.
jû du keziya
hemî adara
h/n min ê siyarkin
da bikme sinî bo me hemiya*

welat.press@gmail.com

www.facebook.com/Dengekurdistanasurya





Rêyên biçûk jî mirovan dighînin

Ji tiştên zehmet di jiyane de destpêk in , ji ber ku dema destpêk hebin çî karê li pişt wê tê, nema bi wê zehmetiyê ye, li vir ka mirov bîpirse ku rojnamegerî û medya kurdî li Sûriyê dest pê kiriye an na? Helbet tiştêk li ser zemîne heye ku dihêle mirov zanibe ku tiştêk hatiye destpêkirin , li vir kovarek dest bi weşanê dike, û li wir radyoyek du sal li ser weşana wê derbas dibin, û nêzîk ev tişt dê li ser televizyonan bîn gotin tevî ku aniha hin kenal bultenên taybet bi ser kurdên Sûriyê diweşînin .

Belkî gelek ji van projeyan roniyê nebînin û nikarîbin berdewam bikin lê herhal dê hinek proje wê bimînin, û belkî tiştê herî zehmet di berdewamiya di van projeyan de ew e ku pitgiriya madî ji wan re tuneye, lê li vir û li wir hinek proje dibin xwedî piştgirî û dê karîbin problema herî mezin di têkçûna projeyên ragihandinê de ku berî şoreşê kelema herî mezin bûn, derbas bikin.



Belê , îro û piştî 3 salan ji temenê şoreşa sûrî, em dikarin bêjin rîyeke biçûk ji ragihandina bi kurdî hatiye vekirin , ev rê , ku em wek kovara Welat xwe dibînin beşek jê , dest pê kiriye , bi hezkirina we wek xwendevan û gel dê berdewam bike.

Aras Yûsiv





Qamişlo Adarê pêşwaz dike

Dîsa heyva Adarê bi şahî û xemgîniyên xwe bi ser bajarê Qamişloyê de hat.

Adar taybetiyeke xwe heye li nik Kurdan bitevahî û yên Sûryayê bitaybefî, herwiha gelek bûyerên dîrokî di wê de hene ku hêj di bîraweriya xelkên bajêr de ne .

Di yekê hevwê de millet bîranîna 35mîn a salvegera Mele Mistefa Barzanî lidar xist bi ahengeke gelêrî mezin.û di vê helkeftinê Barzaniyê nemir û têkoşîna wî ya dirêj di ber doza Kurdî de bibîr anîn û wisa jî gelek çalakî hatine kirin bi mûzîk û şano û helbestan re.

Kawa Xelîl ciwaneke Kurd ji me re li ser vê bîranînê axift:

Her sal em bi vê helkeftinê radibin ku em mirovekî mezin bibîr dihênin û serokekî mîna Barzanî ti carî ji bîra me naçê û ew ê di dîroka Kurdî de dê bimîne û navî wî bi tîpên zêrîn xemil û neqşa vê dîrokê be.

Herwiha 8ê Adarê jî rojêke taybet e,ew jî roja cîhanî ya jinê ye ango(Cejna Jinê),

Weku têtê zanîn cîhan bitevahî di vê rojê de şahiyê dike û jin di wê de têtê rêzkirin weku beşeke bingehîn di jiyana hevdem de,û li Qamişloyê jî û bi gelek çalakiyan xelkên bajêr ev helkeftin lidar xistin û ji hêla glek partiyên siyasî,rêxistinên ciwanan,saziyên jinan û herwiha jî gelek aliyên din,û bi festîvalin rengereg û li dirêjahiya 3ê rojan çalakî berdewam bûn.

Şêrîn Hesên çalakvan e di mafên jinê û endama Komeleya Ronî ya jina Kurd e taybetiya vê rojê ji Welat re şîrove kir û got: helbet ev roj rojêke girîng e,ji ber ku em weke jin me xebatên mezin kirine di civakê de û me doza mafê xwe kiriye mafên azadiya me da em bikaribin bi erkên xwe rabin jibo xizmeta gelê xwe bikin, Şêrîn wisa berdewamkir: em hêj vîndar in ku em rêya xebata xwe berdewam bikin da jin bigihêje asteya xwe ya bilind.

Li aliyekî din û di 9ê Adarê de bîranîna hunermendê mezin Mihemed Şêxo ye.

weku têtê zanîn Mihemed Şêxo di sala 1989an de ji cîhanê koçkiribû û li paş xwe şûnwareke zengîn û rengîn hiştibû çî di warê hunerê û çî di warê têkoşînê de,piştî ku jiyaneke dijwar bihurandibû.

Hewiha xelkên bajêr bi ahengeke gelêrî Hunermendê Nemir bibîr anîn û li ser gora wî ya li goristana Hilêliyê gelek ji stranên wî xwendin û wisa jî silav li giyanê wî yê pak kirin.

Îmad Talatî



Li ser vê helkeftinê bilûrvanê Kurd Ronas Şêxmûs wisa şîrovekir:

Mihemed Şêxo her û her dê bimîne dî bîraweriya me de,ew î hunereke rengîn ji me re hişt û em hêj fêrî mûzîkê dibin di rêya wê re,ew î xebateke balkêş ji doza milletê xwe re kiribû û ew ê dê bimîne simbola henera netewa Kurdî.û ji hêla mûzîkî ve jî ew mûzîkjeneke mezin bû û kêm hene ku bikaribin bi rengê wî mûzîkê pêşkêş bikin,ew ê dê sax bimîne di dilê me de.


Herwiha û di 12ê Adarê de dîsa millet dakete kolanan di salvegera 10mîn a serhildana Qamişloyê û bi çoşeke mezin ew serhildan bibîr anîn,û wênayên pakewanên wê hilgirtin û bi navê wan bangkirin.û bi siloganên mîna yekîtiya Kurdan xwepêşandan lidar ketin,hevdem bi cenaziyên 8 şehîdên Kurd ên ku di encama teqîneke xwekuj de ji hêla komên tundirew ve jiyana xwe ji dest dabûn di 11vê hevwê de.

Serhildana Qamişloyê simbola berxwedana gelê Kurd e diji rêcîma hov û xwîn mij.û pakewanên wê her û her dê di bîraweriya millet de dimînin zindî.

Wisa Adar destpêka demsala buharê ye, û milletên Qamişloyê hêvîdar in ku ev heyv bibe navnîşana buhara azadiyê ya ku hêj bendewarê wê ne.



Bêbuar hate bibîranîn



Bêbuar an Yûsiv Berazî kesayetike navdare bû ne tenê li Serêkaniyê lê belê li hemû deverên Kurdî nemaze di warê wêje û helbestê de , helbestên wî yên ku bi awayê kilasik hevokê wan di rêsand bi gotinên Kurdiya zelal û hesan mesaca xwe ya wejeyî dighand milletê xwe û pirtûkxaneyê kurdî bi 5 diwanên hêja zengînkir.

Di van dîwanan de êş azariya milletê Kurd û civaka wî li Sûriyê nivîsan nexasim ku ew wek kesane ezmûnên dijar debaskir di xebate xwe ya partîti û siyasî û bi dehê caran hatgirtin ji aliyê hêzên ewlekarî li parêzgeha Hesekê û ew tim rastî êş û lêdanê dibû.

Ji bo min ev helbestvanê bejin bilind ne tenê helbestvanekî resen bû lê xebatkarekî bi hers û vînek hesînî bû , û tevî ku ez bi temenê xwe we zarkê wî yê

herî biçûk bûm lê wî rezdarî ya digirt û ji bo xebata wî yak u hêjaye ku her kes alîkarbe bi wî re min ximeta wî kir di çapkirina dîwana wî ya çeremîn û di wê demê de min hevaltîyek zengîn bi wî re buhirt lewra ez pir êşiyam bi bi nexweşiya wî û bêtir bo koça wî ji nav me. Bêbuar bi helbestên xwe ew hasten mirovayeti yê bilin di gotinê xwe de anî ziman û pirên herî zehmet di civka kurdî de derdixist holê û çara van pirsan dida millet ji pêşketina wî di her warî de , hêviyên wî jib o me gelek bûn û dixwest ku nifşê nû li xwe û netewa xwe xwedî derkeve di riya xwendin û zanebûnê de pêşbikeve .

Bêbuar yê xwediyê ruwê kenok û navdar bi henekê xwe nimûneya mirovekî Kurdê xurt bû di jiyane tevî aloziyên kambax ev millet birêve dibir.



Rewşa abûrî li Dirbêsiyê



Bajarê Dirbêsiyê ji demeke dirêj ve di aloziyên abûrî de derbas dibe, xelkên bajêr bitevahî zehmetiyan dikêşînin ji ber vê rewşê, ji ber ku pêdiviyên sereke êdî nema di bazara bajêr de peyda dibin, an ku dema hin ji wan peyda dibin ew bi nixên buha ne .ji hêla din ve diyardeyê xirab hatiye holê di dema dawî de ew jî belavbûna madeyên çirûk (xirabe) di bazarê de, yê ku dema wan bihurtî ye û ew jî dibe sedema gelek pirsgirêkên tendurstî ji şênayên bajêr re .herwiha sedema vê diyardeyê pêwariya çavdêriyê li ser van madeyan e.

Birêz Hesên Oso cîgirê serokê encûmena xwecihî li Dirbêsiyê ji Welat re wisa axift : buhabûna her tiştî sedema xwe ya sereke bazirgan e, ew nixên hemû tiştî bi Dolarê ve girêdidin, tevî ku gelek ji madeyan ji mêj ve di stokên wan de ne, lê ew bi keysbazî danûstandinê bi vê rewşê re dikin û birastî pêwîst e ku çavdêrî li ser wan hebê da ku êdî nema wisa li gorî bercewendiyên xwe yê diravî nixan buha bikin.

Ji hêla xwe ve birêz Mehmûd Îsa endamê komîteya lihevhatina civakî ya EGRKê tekez kir li ser madeyên xirabe ku girng e ew ji bazarê derbikevin û wisa berdewam kir: pêwîst e ku komîteyêke bispore bête damezirandin û karên bazirgan bişopîne ji hêla nixan ve û ji hêla madeyên ku dema wan qediyane. Û ew komît çî kesên ku zianê bikin di van mijaran de dibe ku bêtin dadkirin.

Rewşa Sûryayê bitevahî û ya herêmên Kurdî bitaybetî aloz in, dibe ku kesên berpirisyar li millet xwedî derbikevin û bi erkên xwe rabibin, û derfet hebê jî ku saziyên liha-warçûyînê derbas bibin û alîkariyan bidin çî kesên hewcedar, an jî ew ê dê firtoneyêke mirovahî li van herêman peyda bibe û êdî çareserî ji wê re dê pir dijwar be.

Sadon Al Sîno



Nehedana diravî û bandora wê li ser milet

Ji destpêka şoreşa sûrî gelê rojava hêviyên mezin Dirêsan.

baweriya wan ew bû: ku beramberî rewşeke abûrî nû de biçin pêre di ramanên xwe de diçinîn

ku di demek nêz de wê ji rewşa neçariyê derbasbibin

Lê mixabin ew omîd û baweriyên wan bi cî nehatin û roj bi roj rewşa wan xerab di be

Bi taybet kesên xwedî xîzan û kuflet. Sedema vê birçîbûnê bi gelek wateyan têne gotin

Hin dibêjin ji ber buhabûna ku bazirganên me destê wan tê de heye û her kes li gorî xwe firotinê dike

Dêmek girêdana wan bi dolar re nebûna qîmet ji leyra sûrî re.

Li vê derê pirsên welatiyan jî cî digire Welatî di bêtir eger bazirgan di bêtir em girêdayîne bi dolar

çima dema ku dolar dadikeve buhayî bêtir dibe .

û pirsê wan tim bê berseve

Lê bazirgan jî teqez dikin ku qet destê me di vê buhabûnê de tuneve .

lê nehedana diravî .. abûrî û metirsiyê ji ber aramîya rê bi taybet piştî dorpêçkirina bajarokên rojava ji komên islamî ew dibin sedema buhayê.

mamostak diwarê abûrî de kardike anî ziman

Ev qonaxa ku em îro di wê de



derbasdibin ji hêla rewşa abûrî ve ji destpêka şoreşê

gerk me bida ber çavên xwe ku wê rewşa abûrî xirab bibe wê buhayî hebe ji ber çlênê azadiyê girane.

û di hemû şoreşên cîhanî de abûrî li paş dikeve lewra berdewamiya jiyana xelkên rojava di vê demê de

Bi alîkariya xelkên wanî ku li dervene wekû tê zanîn her malbatek kesk wan li welata heye û kurdistanê başûr jî bû alîkar di vî warî de pirên penaberan li wir kardikin.

wek me diyarkir ev alozî di vê ku li ser bê rawestandî û şîrove bibin

lewra hêvî û banga me ew e ji hemû kesên berpirisiyar ku bikaribin vê babetê çareser bikin û êşên xizanan bi sîngeke germ himbêz bikin .



Dema ku mûzîk dibe çav ji mirov re



Yezdanê dilovan çav dane mirovan da bikaribin xweşî û nexweşiyê jiyane bibînin, û her mirovek di cîhanê de rola xwe dileyize û kar û xebatê dike da xweşiya jiyane bibîne, lê kesin xwedî pêdiviyên teybet gelek zehmetiyê dikşînin ta bigihne asteya xweşiya mirovên saxlem, wek hunermend BIRÎNDAR ew ciwanê ku ji roja jidayikbûna wî li ser riwê cîhanê ronahî bi çavê xwe nedîtiye, BIRÎNDAR temenê wî 30 salî ye li gundê QASTIPANÊ, ya ku li herêma Girkê legê ye, dimîne , sedema tinabûna dibistanên teybet ji kesên xwedî pêdiviyên teybet re li parêzgeha Heskê wî berê xwe dabû Dêra zorê û du salan li wir xwe fêrî şeweyên teybet bi kesin ku ronahiyê nabînin kir, şûnve dest bi mûzîkê kir ji 15 saliya xwe ve wî dikarîbû di rêya mizîkê de reşbûne li ser çavê xwe ji bîrbikê , saz ji xwere dît ronahiya çavên xwe li jîyanê, û bû endamê koma Helebça beşê mûzîkê di 20 salîya xwe de.

Jibo hezkirina wî ji mûzîkê re, Birîndar wisa ji kovara welat re axift: dema ez dirahêjime sazê, cîhan li pêş min dibe ronahî û ez gelek di rêya si-tranan ji jiyane hez dikim

û got dema ez li ser gul û çem û daran dibêjim, ez wan di dengê saza xwe de dibînim.

Birîndar berê xwe da penaberiya li Başûrê Kurdistanê, û 3 heyvan li Zaxo û Hewlêrê qedandibû, xwesteka wî bû ku kar bike di komin mizîkê de ji ber rewşa malbat wî ya abûrî zehmet e , lê kes li wî xwedî derneket û ew ma bê kar û vegariya gundê xwe , Herwiha bi dehan kes xwedî pêdiviyên teybet li herêma girkê- legê payde dibin û ew rojin xwe dibihûrînin bê ku ti kes alîkariya wan bike hêvî û daxwaziya wan avakirina rêxistin yan dibistanin teybet ji çi kesên wek wan re.

GULAL LIYANÎ





Şoreşa Jina Kurd li Sûryayê

Fener Ehmed

Jina Kurd di hemû deman de dikaribû xwe bike beşeke sereke di civakê de û hevkarê mêr be di gekek aliyên jiyânê de, tevî gelek alozî û kelemên ku dibûne astengî ji wê re, lê ew neçar nedibû û xebata xwe berdewam dikir.

Di Sûryayê de jî jin bi şêwazeke nûjen dakete civakê û li ser gelek asteyan kar dikir û ji destpêka şoreşê ve ew ê xebateke balkêş kiribû nemaze di xwepêşandan de.

Herwiha ji encamên keda wê gelek sazî û rêxistinên ku di karê jinê de bîspor in hatine damezirandin. û ew di gelek mijaran de mijûj in mîna karên perwerdeya zarotiyê ,fêrkirina zimanan, yasayî...hwd..

Çalakvan Wefa Osman endama komîteya têkiliyên diplomasiyê di Yekîtiya Star de li bajarê Dêrikê wisa ji me re axift:

Tevî gelek astengiyên jin xebateke bêhempa kiribû û wisa jî hebûna xwe di civakê de resen kir, û em di Yekîtiya Star de me ev sazî avakiribû di sala 2005an de, û barê me jî hêla bikaranîna rola jinê pir giran bû, lê me hemû zehmetî bihurtin da em qunaxeke baş ji jinê re çêbikin, û di baweriyê min de em serketin. me kar dikir ku di destpêkê de em azadiya jina Kurd li Sûryayê bidest bixin da ew jî beşdarî jiyana siyasî bibe û ji doza milletên xwe bike ji ber ku jin nema di wan demên berê de ye, ew demên sîtem û zordariyê. û aniha em gelek xebatan dikin di warê têkiliyan de bi partiyên siyasî û rêxistinên civaka sîvîl û bitaybetî jî ew ên ku di karê jinê de bîspor in li seranserê Sûryayê bitevahî.



û wisa jî em çalakiyên mezin dikin jibo pêşxistina jinê weke semînar, helkeftinên civakî û herwiha jî rengînkirina çanda jinê da birastî bibe beşeke serekê di hemû asteyên civakê de.

û di hevdîtineke din de bi çalakvan Munteha Cengo re ya endama Yekîtiya Jinên Kurd li Sûryayê û endama rêxistina (DAD) e ya mafên mirovan, li ser xebata jinê wisa axift:

YJKS di dawiya sala 2013an de hate damezirandin û ew jî encama yekîtiyekê bû di nav herdu yekîtiyên jinê bûn, weke rêxistineke jinê ku rola xwe ya civakî baş bileyize di warê pêşxistina çand û ramana jinê û civakê bitevahî, herwiha jina Sûrî herdem amade ye ku bibe bingeheke bihêz ji têkoşînê re, û wisa şoreşa Sûrî ji me re diyar kiribû.

Me di YJKS gelek karên balkêş kiribûn, me semînar li ser mafê jinê û rola wê di civakê de li dar xistine, hevdem bi korsên zimanê Kurdî û perwerdeyên yasayî û siyasî ...hwd..

Jina Kurd li Sûryayê gavin mezin avêjtine li ser rêya azadî û bidestxistina mafên xwe û hêj di wê de berdewam e û weku dibêjin: Jin nîvê civakê ye, û dibe ku ev nîv saxlem be da nîvê din jî saxlem û dûrî nexweşiyên be.



kampaniya vaksînê (derzîkirinê) li parêzgeha Heseke

Ne tenê kuştin, penaberî û birçîbûn pehra zarokên sûriyê bûn, lê belê wan pehreke mezin ji nexweşiyê jî xwar. Piştî ku şoreşa sûrî kete rêya çekdariyê, êdî êş û azarên gelê sûrî zêdetir bûn, ji ber wêrankirin û dorpêçkirina bajaran, û qutkirina xwarin û dermanan. Tevî wilo jî, gelek caran balafir û topên rêjîmê nexweşxane û navendên tendurustiyê ji xwe re kirin armanc, di encamê de, gelek nexweşî di nav xelkê de —û bi taybetî di nav zarokan de— belav bûn wek lîşmánya, zerikî (iltihaba kezebê) hwd. û gelek dermanên nexweşiyên demdirêj êdî nema peyda dibûn wek nexweşiyên dil, nexweşiya şeker û hwd. Lê nexweşiya herî zehmet ya ku tirseke mezin xiste nav civakê pûçiya zarokan bû. Ev nexweşiya ku sala 1995 z yekem car li sûriyê hat tomarkirin, û di van rewşên neasayî de, careke din çend haletine nû li parêzgeha Dêrazorê hatin tomarkirin, ku li gorî jêderên netewên yekgirtî bi rêya malbatên hinek çekdarên islamî yê pakistânî gihîştîye sûrî. Pûçiya zarokan nexweşiyêke veyrûsî ye, veyrûs bi rêya xwarinê tê veguhestin û bi rêya pîsiya mirov ji laşê tê avêtin. Bandora veyrûsê ya serekî liser damarên livandinê ye, ên ku ji birrîrreya piştê derdikevin. û wek encam ji pêketinê, masûlkeyên (edelat) ku damarên wan bi veyrûs dikevin pûç dibin—bi taybetî masûlkeyên lingan—herweha, şiyana livandina wan kêmbûnê û dibe sedema meşeke nesuriştî (meşa qop) ji zarok re. Hêjayî gotinê ye, ku ev nexweşî bêçare ye, ango hîç dermanek karîgerî lê nake piştî pêketinê, loma keristeya (wesîle) bi tenê bo jê biparêze standina vaksînê ye. û wek hemû dizanin, sûrî bûye cihê şerekî dirêj, sînorên wê vekirî ne, û tevger çûn û hatinê lê zêde bûye. Loma metirsiya vê nexweşiyê ne tenê li ser sûriyê ye, lê belê li ser dewletên hawîrdor jî heye. Ji bo wilo gelek rêxistinên cihanî bal kişandin ser vê nexweşiyê, û zû bi zû vaksîn li hemû parêzgehên sûrî û li penaberên sûrî yê derveyî sînor belav kirin, û ew rêxistin ev bûn :



1-UNCHR (komisyona bilind a karûbarên penaberan)

2- UNICEF

3- heyva sor a sûrî

4-rêxistina tenduristiya cihanî WHO û bi alîkariya wezaretê tendurustiyê ya sûrî di

8 / 12 /2013 kampaniya yekem ya vaksînê destpê kir. Di vê çarçoveyê de Ciwan Remo ku yek ji endamên kampaniya a vaksîndanê bû li bajarê Heseke weha ji Welat re axivî: karê min di çarçoveyêke tenduristî û mirovane de ye. Em li hemû tax û gundên bajarê Heseke digerin, mal bi mal derbas dibin, çî zarokên yekrojî heya pêncsalî hebin vaksînê didin wan, rojane 1000-2000 zarok vaksînê distînin. Kampaniya me heya meha (4) berdewam e. Selma Elî diya Alanê yekmehî wilo ji me re peyivî: bi rastî, pêşî ez gelekî tirsîyam gava min belavbûna vê nexweşiyê bihîst, loma gava grûpa kampaniyê hat taxa me, bi lez û bez min zaroka xwe gihand wan bo dana vaksînê, ez zor zor spasiya wan dikim, bi saya wan dilên me dayikan aram bûn. Dawîê, banga me bo hemû dayik û bavan, kampaniya vaksînê hîn berdewam e, tenduristiya zarokên xwe paşguh nekin, bi du dilopên di dev de, saxlemiya zarokên xwe biparêzin.

Hisên Reşîk



Daxuyanameya Mafên Mirovan a Cîhanê

benda yekemîn di daxuyanameya mafên mirovan de dibêje ku :

- Hemû mirov dema jidayik dibin , azad in û di maf û rumetê de yeksan in . xwedî mêjî û wijdan in û diva be danûstandina biratiyê bi hev re bik in.

Eger em bi kurtî çîroka naskirina mafê mirovan bînin ziman em dikarin ji yasaya Hemorabî dest pê bikin jiber ew kevintirîn yasaya nivîsandî di dîroka mirovahiyê de ye ew vedigere sala 1790 B.Z, û ew ji hejmareke yasayan pêk tê , jixwe Hemorabî jî şeşemîn Şahê Şahnişîna Babila kevin bû . piştî nêzî sala 539 B.Z Şahê Îranê Koreş derbasbû bajarê Babilê û wê çaxê biryareke gelekî girîng destnîşan kir mîna şoreşekê bû ,wî da xuyanîkirin ku hemû kole azad in û herkes jî azad e bi hîlbijatina ol û bîrûbaweriyên xwe bê ku ev yek bê girêdan bi nijad yan çî hatnerêziyên wî , û Koreş ev gotinên xwe liser kevirê qawinî nivîsand û bicî kir ya ku bi "Qawina Koreş" tê binavkirin û ew bixwe zayîna mafên mirovan bû. Piştî gelek belge û hewildan derket in û li gelek deveran di dirjahiya dîrokê de tanî niha ji "Yasaya Xwezayî ya Romayê" tanî bi "Magna Karta" ya Bîrîtanyayê û şoreşa Fransayê ya ku "lîsteya Mafên Xwezayî" encam da , ta piştî du cengên cîhanî û hejmareke mezin ji wêranî û kuştinê, dewletên cîhanê lihev civiyan û di sala 1945an de Netewyên Yekbûyî damezirandin û di sala 1948an Daxuyanameya Mafên Mirovan ronî dît , îca Daxuyanameya Mafên Mirovan çiyê û çawa hate saz kirin?



Daxuyanameya Mafên Mirovan ya Cîhanê û ya ku Netewyên Yekbûyî xwedî lê derketibû di sala 1948 an de, yek ji belgenamêyan sereke yê navdewletî ye bo mafên mirovan , û ev belge name cihekî girîng di yasaya navdewletî de girtye , ew jî tevî herdû belgenamêyan peymanî navdewletî ya taybet bi mafên sivil û siyasî sala 1966 an û peymanî navdewletî ya taybet bi mafên aborî û civakî û çandeyî sala 1966 an. Û hersê belgename bihev re "Lîsteya Mafên Navdewletî" saz dikin , û piştî erêkirina hejmareke baş ji netewan ser herdû belgenamêyan Lîsteya Mafên Navdewletî hêza yasaya navdewletî wergirt, lê erêkirina wê bijareyî bû.

Daxuyanameya mafên mirovan 1948 an , bi destpêşkiriya Îlînor Rozifilt û hejmarek (18 endam) ji rengarengî pisporan hate saz kirin ,lê kesê ku bendên daxuyanameyê saz kiribûn Rînê Kasaan yê Frensî bû û bi alîkarî û rawêjkariya Şarl Malik yê Libnanî yê ku wê wergerandibû zimanê Ingilîzî jî . Daxuyaname ji 30 bendî pêk tê, û Rînê Kasaan karibû ji " Daxuyanameya Mafên Welatî û Mirov" ya ji Şoreşa Fransî di sala 1789 an de der hatibû û ji yasaya " Magna Karta" ya ku ji rûsîpiyên bîrîtanyaya mezin der hatibû sûdê wer bigir e.

Daxuyanameya Mafên Mirovan ji sê beşan yan ji sê nivşan pêk tê û ew in :

- Nivşê yekemîn " mafên azadiyên sivil û siyasî " ye .
- Nivşên duyemîn " mafên aborî û civakî û çandeyî" ye.
- Nivşê sêyemîn ewe "mafên çarenûs û geşpêdanê û mafên gerdûnî ji jîngeh û cîhaneke paqij û durust"e.

Lê herdem ev pirs tê kirin ... gelo mafên mirovan çin e? Û ka kî berovaniya wê dik e?? Dema ku fêrbûn mafê mirov be çima bi sedhezaran nexwende li cîhanê hene , û dema ku jiyanêke bi rûmet ji mafê mirov e çima bi sedan mirov ronjane tîn kuştin yan ji birçîna dimirin, yan hîna gelek gel û komcivat ji maf û hebûna xwe bêpar in ... h.w.d .

Zuhrab Qado



Fêkirina zimanê Kurdî li Qamişloyê

Ziman nasnameya miletan e, Nîşana Hebûna wan e, û li sûrye zimanê Kurdî yê rewanbêj bitenê nîvîskar û helbestvan bi wî ve mane girêdayî tevî astengî û Qedexkirinê, û piştî şoreşê şoreşeke nû hate afirandin navê wê "şoreşa ferbûna Zimanê Kurdî" ye, û êdî paytexta Rojavayê Kurdistanê dest bi fêkirina zimanê xwe kir, Herwiha gelek rêxistin û saziyên ziman hatine avakirin, "Saziya Zimanê Kurdî" yek ji wan saziyên ku mirov dikare bibêje saziya fermî ye ku bi kar û barê xwe radibe ji bo ziman, Endamê wê mamosta "Ciwan Umer" wiha got: Ev 3ê sal in ku „SZK" ava bûye û li hemû bajarên Rojava kar dike, li dibistanan em zarokan hînkirî ziman dikin, ji pola (sefa) yekemîn û ta ya şeşemîn, pirtûkên wan cûda ne û „Hînkirî" ji xwendekarên zanîngehan re ye.. Hêja ye gotinê ku saziyêke bi navê "Ekadimiya Ziman" li Qamişloyê heye, Partiyên Kurd jî xebatên xwe yê taybet hene ji bo ziman, li navendên xwe xuleyên ziman didin, lê jêder û şeweyên wan cûda ne Mamoste "Mihemed Kosê" ji hola "Partî" ji welat re got: 30 şagirtên min hene temenê wan ji 10 sal û ta 50 salî ne, Bêhtir tîp û kîteyên Kurdî (movikan) didim, çavkaniya min pirtûka "Sirûda Abeya Kurdî" ye ya „Mihemed Cemîl Seydo" ye. Herwiha jî bisporên ku karê fêkirina ziman dikin nerînin wan di mijara hînkirinê de hene, zimanzan „Derwêş Xalib" ji Welat re li ser vê rewşê axîfî: Rêbazên zanistî di xuleyên ziman de bi kar nayên, Herwiha fêkirin bi şewazên biyanan in, zaniyarên zanistî dereng derbasî civakê dibin û sûd ji komîta fêrbûna ziman Kurdî "KFZK" nagirin, lê tev şaşiyên pêşketin heye.. „Xalib" xalên sereke ji bo serkeftina ziman nîşan kir: Bi fêkirina 3ê asteyên sereke :

1-zimanê nexwendewariyê

2-zimanê kovaran.

3-zimanê wêje û zanistê

Bi van alav û şeweyan zimanê Kurdî li Qamişloyê tête belavkirin weke zimanekî ku dikare bibe zimanê zanîngeh û xwendekaran di pêşerojê de, herwiha weku mebesta berpirisîyarên fêkirina wî û daxwazên wan.

Xunav Kano

Xwendina Kurmancî - - Ji bo şagirtên nû fêrî xwendinê dibin

- Zîn. Zîn keçeke biçûk e, ne mezin e.
- Li ku ye? Li Berlînê ye?
- Na, na, ne li Berlînê ye. Zîn li Kurdistanê ye.
- Li Kurdistanê?
- Erê, erê, li Kurdistanê ye.
- Li Heskêf e?
- Na, li gundê xwe ye. Navê gundê wê Salîk e.
- Gund çî ye?
- Gund ji bajêr pir biçûktir e. Xelkê gundan bi çandiniyê ve mijûl in. Hinek pez jî xwedî dikin. Zîn li gund e û gund li Kurdistanê ye.
- Rast e. Berlîn bajar e, mezin e, paytextê Almaniyayê ye, lê gundê Salîkê ne paytext e, ne jî li Almaniyayê ye. Ew li welatê Kurdan e, warê Zînê ye. Şahîn Soreklî





Şêx Seîd Pîran..



Şêx Seyîd kurê Sêx Mehmûdê Neqîşbendî ye, Xwedê daye li gundê Keledarê di sala 1865an de, bavê wî mala xwe bire gundê Balo, Balo jî guneka di wîleta Gênc de.

Li ser destê bavê xwe Qur'an ezberkirîye, bi dûre zanistîya fîqih û şerî'eta îslamî xwendîye, û piştî xwendîna xwe bi dawî kir bû zanistvanek û rêberek mezin li herêmê xwe de, û bi dû mirina bavê wî re, serdariya dînî kete destan. Şêx Seyîd peyakî pir zane bû, behweriyên wî nedihatî bi gotinên mirovan li ser şêxan, û maçkirina destan rakir, ji vê yekê gelek Şêxên nebaş bi tirkî re doz girtin dijê wî, ji bo zanîngehekê wekû "zanista Ezher" venekê li bajarê Wanê... Şêx Seyîd kar kir di polîtîk de ji dema komelên kurdî hatin avakirin di nav bera 1908 û 1923an de, û gelek dostanî girêda bi malbatin welatparêz re wekû Malbata "Bedîrxan beg û Şêx ûbêdullah nehrî" û gelek ji serdarên kurd.

Di peyîza sala 1924an de, dewleta tirkî hinek ji serdarên "komela Azadî" girtin, ji wan dû mêrxas "Xalid cibran û yûsiv zeya" dane ber guleyan di bajarê Bedlîsê de, bi dûre Şêx Seyîd seroketîya komelê kir, û congerek çêbû li bajarê

"Heleb ê" de di çirîya paşî de sala 1924an. Şêx Elî Riza kurê Şêx Seyîd hate kongirê ji dêvla bavê xwe, û gelek ji serdarên kurd ji kurdîstana bakur û rojava amadebûn di kongirê de... Di kongirê de biriyara şoreşeke mezin hate standin, û roja Nûroja kurdan di 21 Avdarê de, bibe despêka şoreşa veğerandina mafên netewî ê kurda.

Ji bo piştgirtina kurda başbe ji şoreşê re, Şêx Seyîd li kurdîstanê geriya, û roja 5an ji sibatê gîşte gundê Pîran bi hevaletîya 100 çekdar re, bi gîştina wî re komek leşkerê tirk bi serdariya mûlazim Husnî Efendî, hatibûn ji bo çend peya yê kurd bigrin, Şêx ji wan xwest kû di amadebûna wîde tukesî negirin, lê serdarê leşkeran erêkirin nekir, û şer di navbera wan de pêket, çend leşker hatin kuştin û yên dî hatin girtin ji aliyê kurda ve....

Ev bûyer di roja 8ê sibatê de çêbû, lê dema nûçeyê vê bûyerê belav bû, serdarên kurda guman kirin kû şoreş despêkir, û êrîş berdan ser leşkerên tirkî li hemî cîgehên... Şêx Abdilrehîm birayê Şêx Seyîd, bajarê "gênc" ê paqij kir ji leşkerê tirkî, û kir paytexta kurdîstanê ta Amed (Diyar Bekir) bê azadkirin.

Şoreş bi lezî belav bû li 14 wîlayetan ji kurdîstanê, û bîtirê 600 hezar kurd û 100 hezar "Ermenî, Çerkes, Ereb û Aşûrî" têde şoreşvan bûn... şoreşvana Amed dorpêç kirin, lê mixabin nikarîbûn ji destê tirkî derxînin, dema hêzên turk bi çekên giran ve nîzîkbûn ji Amedê ve,

şoreşvan bi paşde veğerîyan, lê tirkî rê liber wan girt bi arîkirina Ingilîz û Ferensîyan, ji bo şoreşvan derbasî Sûrî, Îraq û Îranê nebin, û bi Trîrêna di bin destê Fresa de bû leşkerên Tirk sînor tev dorpêç kirin ta nîzîkî bajarê Mûsilê...

Di vê şoreşê de Hezarê xaniyan hatin şewitandin, 400 gund di herêmê Agrîdag û Tenderîk de, û 300 gund di herêmê Çolemêrg û Hekarî de hatin talan û berebatkirin, û 15 hezar mirov hatin kuştin, û gelek Zarok, Jin û kal hatin noqkirin bi saxîfî di behra Wanê de bi destê tirkî, ev tiştên ber çav bûn hovîtiya tirkî da xwiyakirin, bilî tiştên ne ber çav.

Di meha Nîsanê de Şêx Seyîd û 47 ji serdarê şoreşê hatin girtin, û piştî mehkekî bi derew ji wanre çêkirin, ew dad kirin bi şeniqkirin... Di 30ê gulanê de sala 1925an li ber kinirê, Şêx seyîd got:

"Her jiyaneke dawî jêre heye, û ez ne poşmanim dema ez bibim qurban di ber milletê xwede", û bi dengê bilind bankir "bijî Kurdistan" .

Dema gotina Kurdistanê kete guhê tirkî, bê rûmetekî ji wan singiwê tifeka xwe li zikê wî xist, û qamçîbaz weris li qirika wî pêça, û tevî êşa xwe wekû Şêr qîrînek da, û dîsa got: "bijî Kurdîstana pêşeroj".....

Lê mixabin nehiştin careke dî bêje, ji ber deyuze qamçîbaz rûnişteke ji bin kişand.

Xorşîd Şûzî



KURDISTAN

Daykek min heye ne wek tu dayka ye
 Çeleng , şox û her dem ciwan e
 Hesreta hemû dilan e
 Bejna wê pir dirêj e
 Ji mehabat heta botan e
 Ji Serêkaniyê heta koban e
 Çavên wê ne wek Çavên tu jinan e
 Rengînin birengê gulan e
 Ferat û dicle ser bejnê diherikin
 Mîna hêsrên mecnûn li ser leylan e
 Himbêz bi min gelek xweş e
 û dîrok bi min gelek geş e
 Ji Şêx Saîd heta berzan e
 Xwişkên min bi hezaran e
 Welat parêz û canfîdan e
 Birayên min leşkerên li ser Çiyan e
 Ji pêsîrên wê mijandine
 Lehngiya Mezlûm Doxan e
 An jî şehîdin bi xwîne av dane
 Xaka bav û kalan e
 Dayê mixabin , ev dayka hemû kurdan e
 Ev Kurdistan e...
 Ev Kurdistan e...
 Ev Kurdistan e...

Kamîran Fatemê 21\3\2013

Mîr Celadet Bedirxan



1893-1950

Kuro .. Keçê

Eybe..şerme..fehite, an hînî
 zimanê xwe bibin an mebêjin em
 Kurd in bê ziman Kurdîtî ji were ne
 tu rûmete ji me re rûreşîk giran e
 Heyf û xebînet û hezar mixabin
 nemaze ji wan re ko bi zimanên din
 dizanin bixwînin û binivîsînin û elf
 abeya zimanê xwe hêj nasnakin "

Mîr Celadet BedirXan

" Hawar, hej 27 - 1941



Dîfterî (Corynebacterium diphtheriae)

nexweşiyêke sîstema bêhngirtinê ye. Di sîstema bêhngirtinê de bi riya bakteriyê toksîn çêdibe û zû derbasî yekê din dibe. Beriya ku derziyên parastinê ewçend nebipêşketîbû vê nexweşiyê canê gelek digirt. Lê îro pirr kêm e. Li Kurdistanê ji ber xizaniyê û kêmbûna derziyên parastinê dîsa jî canstîn e. Toksîna ku ev bakterî di organîzmayê de dihêle gelek bixetere ye. Heya bigire dikare felcê jî pêk bîne.

Cara pêşîn di sala 1826'î de Pierre Bretonneau ev bakterî binavkiriye. Di sala 1923'î de derziya parastina vê bakteriyê hatiye dîtin

Hin cureyên dîfteriyê Dîfteriya poz (bêvle)

Dîfteriya stû (qirikê)

Dîfteriya zengilok

Dîfteriya li derî sîstema bêhvedanê, bo mînak guh, çav hwd

Her cureyê dîfteriyê gorî xwe hin sîmp

toman lidardixe

Sîmptoma dîfteriya poz

Herikandina poz

Hin sîmptomên dîfteriya stû (qirik)

Bêmadayî

Cirifîn

Zêdetîna laş

Serêş

Verêş

Westîn (betilîn)

Hin caran di tevgera hişarê de xerabûn

Astengiyên mîzkirinê

Hin sîmptomên dîfteriya zengilokê

Kuxîna du dengî

Astengî di bêhnedanê de


Werim di sîstema behnedanê de

Helbet, sîmptom ne standart in û gorî asta nexweşiyê tên guhertin. Dîfterî pirranî dereng pê tê derxistin. Divê mirov derziyên parastinê birêkûpêk bike. Divê mirov li dijî sawê têbikoşe.

Tedawiya nexweşiyê dikare bi qasî 2 mangê bidome.



Wikipedia



Sibe dê xweştir be...
بکرا بترجع اطي...



Gurzek ji Gulan



Adarok

Berfîn



Gulçîçek

Gulebûk



Mêxik

Nefel



Sorgul

Stêrgul



Beybûn

Binefş



Gulgenim

Helz



Ji bo xwedê bangî Elî nekin

HELBEST YÛSIV

Li gundekî kevin zarokek hebû navê wî Elî bû ,Elî zarokekî jêhatî di dibistana xwe de bû û bi aqil bû û bi ya diya xwe û mezinan dikir ,ta ku di nav hemî mamosteyên dibistanê û dê û bavê zarokên gund bi edeba xwe ya baş hatibû naskirin.

carekê Elî û hevalê xwe Hemo ji dibistanê vedigeriya û dema gihan cem mala Hemo baraneke xurt hat ,lewra Elî li mala Hemo ma ta derengî şevê ta ku baran sekinî, di wê navê de diya Hemo hinek kar jê dixwest lê Hemo bi ya wê ne dikir ,û Elî ji ber vê yekê rexin li Hemo kir û ji dêv Hemo çû û firax dan hev û li metbexê alîkariya diya wî di çêkirina xwarinê de kir û dersê Zekiye xuşka Hemo da wê , kêfa diya Hemo gelekî ji Elî re hat ,û dema wê ji Elî re got : "Xweska Hemo weke te ba kurê min ", Hemo ev yek deng kir dilê xwe girt û ji diya xwe û Elî aciz bû û di dilê xwe de got ez nema careke din Elî tînim mala me , hema Hemo nema zanîbû çawa Elî here malê û berî şev têkeve erdê Elî çû mal .

piştî demekê diya Hemo li ber derî li bendî hatina Elî ji dibistanê bû û pêre çû malê û ji diya wî re got: bela îşev Elî li cem me bimîne , dema Elî bi diya Hemo re derbasî mala Hemo bû ,Hemo dilê wî kire kutekut û got diya xwe: "Ev li mala me çi dike", diya wî jêre got:" Dûvre tê nas bike" , Elî û diya Hemo çav ji hev re dan û dest bi karan kirin, îca Hemo di hundirê xwe de dikeliya û dîn dibû ,Hemo ji diya xwe re got: Ezê alîkariya te bikim dayê û Elî tu here mala xwe", lê diya Hemo got: "Îşev Elî mêvanê me ye" û Hemo got: "Na bela here "û di hundirê xwe de dîntir bû, dawiya şevê Hemo got diya xwe: "Bela Elî here mala xwe", lê diya wî jêre got "Elî îşev mêvanê me ye ",berî razanê Hemo çîrok fêm kir ku diya wî Elî aniye ji bo ew bi edeb bibe û di hundirê xwe de digot : "Ma dê kengî sibeh bê û ev kur biqele'e mala xwe û ez îca bi ya diya xwe bikim "

Sibeh hat, Hemo Elî ji xew rakir û jêre got: "Elî de here dibistanê" ,lê Elî jêre got : îro î n e û dibistan tune ye û bihêle ez razim" ,îca Hemo dîntir bû ,berî nivro Elî çû mala xwe piştî ku dilê Hemo ji qehra Elî û razana wî li cem wan werimî,piştî çend rojan diya lawikekî din yê bi ya ehlê xwe ne dikir çû wek diya Hemo Elî anî mala xwe ,ta ku diya hemî zarokên taxê û dibistana Elî , Elî tanîn mala xwe bo zarokên wan bi aqil bibin .

Piştî demekê kîjan zarokê taxê ku bi ya dê û bavê xwe ne dikir û dersê xwe ne dixwend , diya wan ji wan re digot: " Bela îşev Elî li cem me razê an na", zarokan digot: " Na ji bo xwedê ez ê bi ya te bikim " .



المعاناة النفسية لسكان روج آفا بسبب إغلاق الحدود



وهناك أيضا معاناة من الطرف الآخر من الساكنين في إقليم ، كيم محمد العمر 30 سنة يعمل محاسب في كفيثيريا في جبل كورك تزوج منذ فترة يقول " لقد أصبح لي أكثر من سنة هنا وكنت خاطب ولم أستطيع الذهاب إلى روج آفا لكي أتزوج بين أهلي لذا فقد أتى أبي المريض بخطبتي كمرافقة له إلى وتزوجنا بدون حفلة ودون أن تلبس زوجتي الأبيض وذلك بسبب بعدي عن أهلي مما سبب لي الكثير من الحزن بدل من أن " أفرح في هكذا مناسبة

لذا فقد كان مطلب الكثير ممن التقينا بهم هو أن يفتح باب الزيارات فقط لا الهجرة وخاصة من هم بداخل الإقليم فالكثير منهم حتى في حالة الوفيات لم يستطيعوا المجيء مما سبب ذلك لهم حالة نفسية مزرية فتطبيق إجراءات مناسبة لذلك قد يخفف قليلا من معانات هؤلاء الناس بعيدا عن الصراعات الحزبية الضيقة .

نوفين مرعي

سبب إغلاق حدود إقليم كردستان في الفترة الأخير الكثير من المعاناة النفسية لسكان روج آفا ، فمنذ بداية الثورة سبب الحصار الاقتصادي الخائف المفروض على المناطق الكردية في سوريا بالإضافة إلى الظروف الأمنية السيئة التي أدت إلى هجرة الآلاف من السكان إلى إقليم كردستان فمن النادر إن تجد عائلة كوردية في روج آفا ليس لها قريب أو عزيز في الإقليم لذا فإغلاق الحدود مؤخراً كان بمثابة حاجز بين رؤية الإباء والأبناء والأحبة مما سبب ذلك الكثير من المعاناة العاطفية لهم .

ومن خلال رؤيتنا لبعض الحالات في روج آفا فقد كان مطلب البعض منهم لم الشمل وبعض الآخر يريد فقط الزيارة لمدة أسبوع فعلى سبيل المثال سلوى البالغة من العمر 24 سنة عقد قرانها منذ أكثر من عشرة أيام تقول " لقد تمت خطبتي بدون خطيبي وفي يوم الزفاف أتيت إلى بيت حماتي بدون وجود العريس وذلك لعدم قدرته على المجيء بسبب إغلاق الحدود لأن الذي يغادر الإقليم لا يسمح له بالعودة ثانية والآن إنا انتظر بان يطبق إدارة معبر سيمالكا تنفيذ القرارات المتعلقة بلم الشمل لكي أستطيع الذهاب واللاحق بعريسي فأن لم يطبقوا ذلك سأحاول أن اذهب كمرافقة لأحد المرضى أن استطعت

وبالرغم أن الحدود مفتوح أمام الحالات الإنسانية إلا أن المرضى أيضا يعانون من صعوبة في الذهاب إلى الإقليم، فعلى سبيل المثال عبد الله في - 55 - من العمر مدرس مدرسة لديه ابن وابنة في مخيم دوميز وهو ساكن في بلدة جل آغا / جوادية يقول " لقد أصبح لأولادي قرابة سنتين في مخيم دوميز وبما أنني مريض قلب اعتقدت بأنني سأتمكن من الذهاب لرؤيتهم لمدة أسبوع وبالرغم من مرضي فقد ذهبت ثلاثة مرات إلى الحدود ومعني تقاريري الطبية إلا أنهم لم يسمحوا لي بالمرور تارة بحجة أنني لم أجري عملية قلب مفتوحة وتارة بأن دور مرضي القلب لم يأتي بعد وأضاف قائلاً في كل مرة ادفع ثلاثة آلاف




Serjêr

- 1-êş – şan .
- 2-tê vexwarin,bê reng û bêhn û tade- tîp
- 3-ji balefira ye,û nîşana aştiyê ye.
- 4-dera ku weşana Radyo dike- agir (b).
- 5-tersê jêr- yek ji navên lawan e .
- 6-tersê dereng- terse nebû.
- 7-dera ku pirtûk têde têne afrandin û da
- 8-tersê kevn(b) - yê ku ji Aedm be .

Rast

- 1- sûlav-tersê hatin.
- 2- ji zayinê ye-derê bilin ku li hember bayê sar e .
- 3- kom an civatek .
- 4- sinc (b)- ji axînê ye.
- 5- paytexta komara Qadî Mihemed.
- 6- tersê şiyarbûnê- terse rabe .
- 7- tersê belê(b)-agir – bo nîşana me .
- 8- belgeya dawîkirina zanistanê .



Ferhengok

Belgeder	=	مَبْرَهَن
Pert - Belawela	=	مُبْعَثَر
Xweyî - Nas	=	مَأْلُوف
Azardîfî	=	مُتَأَذِي
Pilangîr	=	مُنَامِر
Hev hêz-Hevkêş	=	مُتَكَافِي
Hevyek	=	مُتَنَاطِر
Dijyek -Nakok	=	مُتَنَاقِض
Ciya ciya	=	مُتَفَاوِت
Bêper	=	مُتَنَاهِي
Cur bi cur – Cûre cûr	=	مُتَنَوِّع
Bêlaf - Bê fîz	=	مُتَوَاضِع
Navîn - Naverast	=	مُتَوَسِّط

Ji tûrikê Kurdî yê kevnare

Ji mêj ve , Kurd navdar bûn bi cûrbicûra demên xwarinê, di rojê de şeş caran xwarin dixwarin , û her carekê jê bi navekî taybet bû û di demeke xuya de bû

- 1- Qeretûn 2- Xurînî 3 - Taştê
- 4 - Firavîn 5- Şîv 6 - Paşîv

*Her sê xwarinên pêşî, bo dema sibehê bûn , ji demjimêr 4 û niv ta 9 û niv , û xwarina sereke Firavîn bû li dora demjimêr 12 .. û ji xwe Şîv di dema ku roj diçû ava, û ya her' dawî Paşîv ew gava şevbuhêrkê de bû, ango demjimêr 8ê êvarê ...

Peyva wendayî ji 7 tîpan e, navê helbestvaneke Kurd e ji Serê Kaniyê , ji dîwanên wî (Serxwebûn).

Peyva wendayî

B	ş	ê	R	î	N	ê	N	N
H	E	S	E	K	ê	A	î	N
K	O	V	A	N	M	W	A	ê
Z	A	P	B	I	X	M	T	U
N	A	U	T	R	S	S	O	R
K	A	ş	E	O	H	X	A	K
A	I	G	O	T	D	X	E	R
N	E	P	û	D	O	I	A	M
C	A	P	A	R	A	S	L	D

Pût - Heseke - Şêrîne - Kovan - do - Aras em - dax - na - Zap - Ceger xwîn - Niştiman Apo Osman - Xak - Sor - tu - dil - ka

--	--	--	--	--	--	--	--

Pend û Şîretên pêşiya

- 1- Mejiyê sivik barekî pir giran e !
- 2- Deng ji tasa vala tim bêtir tê !
- 3- Av bi dilop dilopan keviran kun dikan !
- 4- Giyayê male timî tal e !
- 5- Yê ku diz be , şevên reş pir in !

belê ji civakêke sivil re



ولات (ثقافية . عامة . مستقلة) . نصف شهرية

welat.press@gmail.com

www.facebook.com/Dengekurdistanasurya

العدد (٩) / ١٥ آذار ٢٠١٤